



Inatsisartunut ilaasortaq  
Naaja Nathanielsen  
Inuit Ataqaṭigiit

## § 37 tunngavigalugu apeqquummut nr. 2010-268-mut Timersorneq akissut

10. januar 2011  
Sagsnr. 2010-024961  
Dok. Nr. 538476

Asasasara Naaja Nathanielsen,

Postboks 1029

3900 Nuuk

Tlf: +299 34 50 00

Fax: +299 32 20 73

Email: [kiin@nanoq.gl](mailto:kiin@nanoq.gl)

[www.nanoq.gl](http://www.nanoq.gl)

Meeqqat inuusuttullu timersornermut atatillugu angalasarnerannut atatillugu tapiissutit pillugit § 37 naapertorlugu apeqquutit (nr. 268) innersuussutigalugu Naalakkersuisut apeqquutit ima akissavaat:

### 1. Meeqqat Inuusuttullu suliniaqatigiiffii (Kattuffii) allat qulaani taaneqartut tapiissutigut atugaanut assingusumik periarfissineqarnissaat eqqarsaatigineqarsinnaannginnerluni?

#### Akissut:

GIF-ip specialforbundillu nunatta karsianit (Kulturikkut sunngiffimmilu aaqjissuussineq pillugu inatsit naapertorlugu) aamma tipsernermit lottornermiillu sinneqartoorutinit (tipsernermit lottornermiillu sinneqartoorutinit agguasaarneq pillugu inatsit naapertorlugu) tapiissutisarisartagaat timersornermut killilikkatut tunniunneqartarput. Killiliussani taakkunani specialforbundet najukkani timersoqatigiiffiit peqatigalugit ass. GM-ertoqarneranut atatillugu tapiissutit pillugit namminneq malittarisassiortarput.

Inatsisit atuuttut naapertorlugit Naalakkersuisut ass. angalanermut aningaasartuuteqarnermut tapiissuteqartarneq pillugu immikkut malittarisassiorsinnaanngillat. GIF-ili AWG-mut Island Gamesimullu atatillugu angalanermut aningaasartuutit ilarujussuannut akiliisarpoq meeqqanut inuusuttunullu AWG-mi peqataasunut inuusuttunullu Island Gamesimut peqataasunut iluaqutaalluortarpoq.

Konto pingaarnermut 40.94.13-imut, timersornermut tapiissutit, oqaasertami aamma allassimavoq Timersoqatigiit Kattuffiata isumagissasarigaa tamatigoortumik timersornerup meeqqanut inuusuttunullu sullissinermut iluaqutaasumik timersuutinit tamanit qaffasissumik inissinneqarluni salliutinneqarnissaa.

Suliassaq tamanna aamma GIF-imik angusassat pillugit isumaqatigiissummi allassimavoq.

Naalakkersuisoqarfiup suliaq taanna pillugu GIF oqaloqatigaa, pingaartumik specialforbundet meeqqanut inuusuttunullu ingerlatassatut iliuusissatullu pilersaarusiornissaat pillugu. Tamatumanili allaffissornikkut sulingaatsiartoqartariaqarpoq taamaattumillu suli tamanna ingerlalluni.

## **2. Qulaani atukkanut assingusunik Kattuffinnut allanut periarfissiinissaq pisinnaangippat suut tunngavilersuutigalugit aalajangiineq piva?**

### **Akissut:**

Specialforbundit 2009-mut naatsorsuutaat assigiinngitsorujussuupput forbundillu naatsorsuutaanni amerlanerni inersimasunut, inuusuttunut meeqqanullu angalanermut aningaasartuutit immikkoortinneqarneq ajorput. Taamattumik specialforbundit meeqqanut inuusuttunullu timersornermut atatillugu angalanernut tapiissutaat sanilliunneqarsinnaanngillat. Timersornermut atatillugu angalanernut tapiissutit naatsorsorneqassappata specialforbundit paasissutissanik taakkuninnga nassiusseqquneqartariaqassapput.

Team Grønland (Maanna Elite Sport Greenland) 2008/09-mi timersullaqqissunut pimoorullugulu timersortartuusunut arlalinnut tapiissuteqarpoq. Naatsorsuutinili angalanernut qanoq tapiissuteqartoqarsimatiginersoq immikkut allassimanngilaq.

Air Greenland 2009-mi 2010-milu meeqqat inuusuttullu timersornermut atatillugu angalanerannut immikkut aningaasaliisimanngilaq. Air Greenlandip aningaasaliissutaat angalanernuinnaq tunngassuteqarsimapput. Taamaattorli GIF aamma Air Greenland 1,5 mio. kr.-inik nalilimmik aningaasaliisuunissamik isumaqatigiissuteqaqqammerput. Meeqqat inuusuttullu isumaqatigiissummik nutaamik taassuminnga iluaquteqarnissaat naatsorsuutigineqarpoq. Aningaasaliisuunissamik isumaqatigiissuteqarnerup kinguneraa klubbit specialforbundilluunniit GIF-ip akuersissuteqarneratigut billetinik akikinnerusunik inniminniisinaanissaat.

Inussiarnersumik inuulluaqqusillunga

Mimi Karlsen